

# A ara mai na!

TENUARE - FEPUARE 2014



E TIATURI ANEI OE  
I TE MAU POROI ATOA?

# A ara mai na! I ROTO I TEIE VEA



A TAIO Â I NIA  
[www.jw.org/ty](http://www.jw.org/ty)

TUMU PARAU MATAMUA



## E tiaturi anei oe i te mau poroi atoa?

API 4-7

- 3 MEA POIETEHIA ANEI?  
**Te ravea haaputuraa haamaramaramaraa  
o te ADN**
- 8 IA AU I TE BIBILIA  
**lesu**
- 10 TAUTURU NO TE UTUAFARE  
**Te peu e hapono i te poroi  
e hoho'a faufau na roto i te vini**
- 12 TAUTURU NO TE UTUAFARE  
**E nafea ia faaroo maite?**
- 14 IA AU I TE BIBILIA  
**Te faaipoiporaa**
- 16 PARAU PAARI  
**E aau “fana’o rahi” anei to oe?**



UIRAA A TE TAATA NO NIA I TE  
MAU ITE NO IEHOVA—E pūpū  
ekalesiatiko aufauhia anei ta  
outou?

Te vai ra anei te pūpū ekalesiatiko  
e te feia haere pure? O vai te mau  
tavini a te Atua?

(A pata i nia NO NIA IA MATOU > UIRAA A TE  
TAATA)



EAHA TA TE BIBILIA E HAAPII  
MAU RA?—E nafea to outou oraraa  
utuafare e oaoa ’i?

A hi’o i te pene 14 o teie buka.

(A pata i nia PAPA I > BUKA E BUKA RAIRAI)

Vol. 95, No. 1 / Bimonthly / TAHITIAN

Neneiraa o te numera taitahi: 43524 000 na roto e 99 reo

E ere teie papai i te mea hoo. E tuhaa te reira no te hoê ohipa haapiiraa Bibilia na te ao atoa nei e turuhia ra e te mau ô horoa noa. No roto mai te mau irava i *Te Bibilia Mo'a ra*, ma te tahi mau faatanoraa i te tapao o te toparaa reo.

*Awake!* (ISSN 0005-237X) is published monthly by Watchtower Bible and Tract Society of New York Inc.; L. Weaver, Jr., President; G. F. Simonis, Secretary-Treasurer; 25 Columbia Heights, Brooklyn, NY 11201-2483, and in Australia by Watchtower Bible and Tract Society of Australia, 12-14 Zouch Road, Denham Court, NSW 2565. Periodicals Postage Paid at Brooklyn, NY, and at additional mailing offices.

**POSTMASTER:** Send address changes to *Awake!* 1000 Red Mills Road, Wallkill, NY 12589-3299.

© 2014 Watch Tower Bible and Tract Society of Pennsylvania. Printed in Australia.

E farii anei oe i te tahi atu â haamaramaramaraa aore ra i te hoê haapiiraa Bibilia tamoni ore i ô oe?

A haere e hi'o i te [www.jw.org/ty](http://www.jw.org/ty) aore ra a faatae i ta oe aniraa i te hoê o teie mau vahii nohoraa.

**ASSOCIATION LES TÉMOINS DE JÉHOVAH:** TAHITI (POLYNÉSIE FRANÇAISE): BP 7715, 98719 Taravao. NOUVELLE-CALÉDONIE: BP 1741, 98874 Pont des Français. No te hoê tapura taatoa o te mau vahii nohoraa, a hi'o [www.jw.org/ty/papai-e-niuniu-mai](http://www.jw.org/ty/papai-e-niuniu-mai).



## Te ravea haaputuraa haamaramaramaraa o te ADN



A FAAOHIPA e rave rahi i te matini roro uira, mea rahi ia te mau haamaramaramaraa e haaputuhia a nehenehe atu ai te taata e hi'o faahou i te reira ia hinaarohia. Te tiaturi nei te mau aivanaa e tau i te mau ravea haaputuraa haamaramaramaraa o teie tau ma te hamani i te tahi faanahoraa i au i ta te Atua i tuu i roto i te mau mea ta 'na i poiete, oia hoi te ADN.

**A hi'o na:** Tei roto te ADN i te mau tao'a tahi ora. E nehenehe te reira e haaputu tau miria haamaramaramaraa. Te na ô ra Nick Goldman no te pu European Bioinformatics: "E nehenehe ta matou e rave mai i te reira i roto i te mau ivi o te mau elefani tahito . . . e e faataa i te mau haamaramaramaraa o te reira. Mea haihai roa e meumeu atoa te ADN, e ere i te mea ohipa rahi ia haaputu, mea ohie roa ia ia hapono e ia haapao i te reira." E nehenehe anei te ADN e haaputu i te tahi haamaramaramaraa a te taata? Te pahono ra te feia hi'opoa, e.

Mai te faanahoraa haaputu haamaramaramaraa o te tahi matini uira, ua amui te mau aivanaa i te ADN e te tahi hoho'a, ohipa haruharuhia e parau tapohia. I nia i te faito 100, ua nehenehe te feia hi'opoa e taa maitai eaha te auraa o te mau haamaramaramaraa i haaputuhia. No te mau aivanaa, e nehenehe e faaohipa i tera ravea, e rave mai ia 1 tarama o te ADN hamanihia e te taata, no te haaputu i te mau haamaramaramaraa i roto hau atu e 3 000 000 CD. E tia atoa ia haaputu i te reira e hanere e peneia'e tausani matahiti. Te tanoraa mau, e nehenehe tera faanahoraa e haaputu i te mau haamaramaramaraa uira o te ao atoa nei. No reira e parauhia 'i e o te ADN "te tao'a haaputu haamaramaramaraa puai roa 'e."

**Eaha to oe mana'o?** Mea tupu noa anei te ravea haaputuraa haamaramaramaraa o te ADN? Aore ra mea poietehia anei? ■



## E tiaturi anei oe i te mau poroi atoa?

E RAVE rahi te ore e tiaturi hanoa i ta ratou e taio e e faaroo i roto i te mau vea. E mea tano, papu e mau anei te poroi atoa i roto i te vea, afata teata e radio? I te Hau Amui i 2012, ua ravehia te hoê titorotororaa. E 6 i nia 10 tei pahono “eita” aore ra “eita roa ’tu.” Mea tano anei tera nau mana’o?

Mea rahi te taiete haaparare parau e papai vea tei faaî i te parau faaau e haamaramarama i te taata e e horoa atoa i te faatiaraa tano. No to muri nei râ mau tumu, e mea maitai ia feruri hou a tiaturi ai i te tahi poroi. E hi’opoa ana’e i te reira:



### E MANA TO VETAHI I NIA I TE TAIETE HAAPARARE PARAU

Noa ’tu e mea iti ratou, e mana to te mau faatere taiete rahi i nia i te taiete haaparare parau. Na ratou ia e faaoti teihea poroi e haaparare, e nafea e ehia taime e na reira ’i. No te rahiraa taiete, e rave ratou i tera mau faaotiraa ia rahi noa mai te moni. Mai te peu e e haafifi te tahi poroi i te mau faatere taiete rahi, eita paha te reira e faaitehia.



### TE FEIA MANA


Te rahiraa o te parau i roto i te mau vea, no te feia mana ia e ta ratou mau haaraa. E hinaaro hoi ratou ia turu atu te nunaa i ta ratou poritita e faatereraa. I te mea e e faaite te taiete haaparare parau i te poroi no nia ia ratou, e pinepine te mau papai vea i te farerei i to te faatereraa.





### TE MAU POROI FAATIANIANIRAA

I te fenua e rave rahi, no te mau poroi faatianiani e rahi ai te moni e e tere noa 'i te tahi taiete haaparare parau. I te Hau Amui, no reira mai e 50 e tae atu 60 i nia i te hane-re te apî o te mau papai e matara i te ava'e, e 80 i nia i te hanere no te vea e piahia i te mau mahana atoa e e 100 i nia i te hane-re no te mau afata teata e radio. Eita te mau ona e rave i te parau faaau e te taiete haaparare parau e haafifi i te hooraa o ta ratou tao'a a topatari atu ai ta ratou taiete. Ia ore vetahi e au i ta te tahi vea e haapuroro, e tuu ratou i te poroi faatianiani i te tahi atu taiete haaparare parau. No reira te tahi mau vea e faoti ai i te faaore i te hoê poroi.



### TE FAATIAHIA

Noa 'tu e mea mau te tahi faatiaraa, e nehenehe te poroi e tauri i te huru aore ra mana'o o te papai vea. Eaha te faa-ite e te ore e faatia? Ei hi'oraa, ua pau paha te tahi pūpū tue popo. Mea mau tera faaiteraa. E nehenehe râ te papai vea e faatia mai ta 'na e hinaaro no te faataa i te tumu i pau ai ratou.



### E ERE I TE MEA PAPU

E ere te taatoaraa o te mau papai vea i te mea papu roa. Te hamani nei hoi vetahi i ta ratou iho faatia-raa. A tau matahiti a'enei, ua hinaaro te tahi papai vea i Tapone e faaite e mea nafea te to'a i ino ai i Okina-wa. No te mea râ aita i itea ia 'na i te haapapuraa, ua pata oia i te hoho'a o te hoê to'a ta 'na iho i tuino. E nehenehe atoa e tauri i te tahi mea i nia i te hoho'a no te haavare i te taata. E faahuru-ê-hia na atoa te reira e te mau ravea apî no te faarahi i te tahi ohipa. E ere atura ia i te mea ohie ia ite i te mau tauraa i ravehia.



### TE ORE E FAAITEHIA

E pinepine te mau papai vea i te ore e faaite i te taatoaraa o te tahi tupuraa ia mana'ohia e e aamu maere mau tera. E nehenehe te tahi faatiaraa e haafau-faa-roa-hia area te tahi atu eita ia. I te tahi taime, i roto i te afata teata e titau-hia ia faaite i te tahi aamu taa ê i roto noa hoê minuti, e pinepine eita te mea faufaa roa e faaitehia.



## E TATA'URAA

No te rahi o te mau reni afata teata, e haapuroro vetahi taiete haaparare parau apî i te porotarama taa ê e anaanatae a'e ia mataitai rahi te taata i te tahi reni i te tahi atu. Teie tei papaihia i roto i te buka *Media Bias*: “E tata'uraa [to roto i te afata teata], e maitihia te mau hoho'a ia maere aore ra ia huru ê te taata, e haapotohia te mau faatiaraa ia mataitai noa te taata” i tera reni.



## TE MAU MANA'O HAPE

E ere i te mea ohie ia horoa i te faatiaraa tano. E nehenehe te tahi mana'o e fariihia i teie mahana e ananahi e riro ei mea hape. I mana'ohia na e o te mahana te haaati i te fenua. I teie nei râ, ua ite tatou e o te fenua te haaati i te mahana.



## E HAPE RATOU

I te mea e taata te mau papai vea, ma te ore e haapao, e hape ratou i roto anei i te tarame, te papairaa i te tahi ta'o e te tuuraa i te toma. E nehenehe ia te auraa o te poroi e tau i roa. Aita atoa paha te reira i hi'opoa-maitai-hia. Mea ohie roa hoi ia hape e te mau numera. No te ru, e pata paha te papai vea e 10 000 eiaha râ 100 000.



## No nia i teie vea

Ua rave-maite-hia te mau maimiraa no te mau parau, numera e faahitiraa hou te reira a papaihia 'i i roto i te vea *A ara mai na!* Aita teie papai e paturu ra i te tahi noa 'e haaraa a te hoê pŭpŭ taata, imiraa moni aore ra feia faate-re. Maoti te mau ô horoa noa e matara mai ai teie vea. No te feia i pia i te *A ara mai na!*, o te Bibilia te Parau a te Atua e e mea papu atoa te mau faahitiraa i roto.

## Te mana'o tano

Eiaha e tiaturi hanoa i ta tatou e taio i roto i te mau vea, e ere râ te auraa e aita hoê a'e parau papu. Hou râ a tiaturi ai i te reira, e mea tia ia haapao maitai.

Te na ô ra te Bibilia: "E ere anei na te tari'a nei e faaroo i te huru o te parau, mai te vaha atoa nei e tamata i te huru o ta 'na maa?" (Ioba 12:11) Teie te tahi mana'o no te ite e mea papu anei te mau parau ta tatou e faaroo e e taio:

**NA VAI?** Mea papu anei te feia rave ohipa o te taiete i faatia i tera parau? E faatiaraa tano aore ra maere noa anei to roto tera potarama aore ra papai? Na vai te moni e faatere ra i tera taiete haapare parau?

**NOHEA MAI?** Te haapapu ra anei te mau maimiraa i tei parauhia? Hoê noa anei faatiaraa mai tera? E taata papu anei tei faatia i te parau? Te turu ra anei o 'na i te tahi ohipa, faatereraa e te vai ra 'tu â? No te hoê noa taata anei tera mana'o aore ra no te rahiraa?

**NO TE AHA?** A uiui: 'No te haamaramarama anei aore ra no te faanaanatae noa te poroi? No te turai anei ia hoo mai aore ra no te turu i te tahi ohipa?'

**MAI TE AHA TE HURU?** Ua faaitehia anei te poroi ma te riri e no te faaino? Te turaihia ra ia te taata ia patoi i te tahi ohipa ma te ore e ite mau i te tumu.

**MEA TANO ANEI?** Te tuea ra anei te reira faatiaraa i to roto i te tahi atu mau vea aore ra papai? Ia ore, a haapao maitai!

**UA HOPE ANEI TE TAU?** No teie nei anei te reira parau? E tano paha a 20 matahiti a'enei eiaha râ i teie mahana. Mai te peu râ e mea api, aita paha te taatoaraa o te faatiaraa e haamaramaramaraa i faaitehia.



E nehenehe anei e tiaturi i te mau poroi atoa? Auê te paari o te a'oraa a Solomona, ua papai hoi: "Te faaroo ra te ite ore i te mau parau atoa ra; te hi'o maitai ra râ te taata haapao ra i to 'na taahiraa." —Maseli 14:15. ■



# IESU

## O Iesu anei te Atua?

*“Aore e taata i ite i te Atua.”—Ioane 1:18.*

**TA TE TAATA E PARAU RA** No te rahiraa, e ere iho â o Iesu te Atua. Te faaohipa nei râ vetahi i te tahi mau irava e mana’ohia ’i e ua faito Iesu i te Atua.

**TA TE BIBILIA E PARAU RA** Aita te Bibilia e faataa ra ia Iesu mai te Atua Mana hope aore ra ua faito raua. Te haapii ra râ te Bibilia e ua iti a’e Iesu i te Atua. Teie hoi ta Iesu i parau: “E rahi hoi tau Metua ia ’u.” (Ioane 14:28) Ua papai-atoa-hia: “Aore e taata i ite i te Atua.” (Ioane 1:18) E ere iho â ia o Iesu te Atua i te mea e e rave rahi taata **tei** ite ia ’na.

Aita ta Iesu mau pīpī matamua i parau noa ’’e o Iesu te Atua. No tei faatiahia i roto i ta ’na evanelia, ua na ô Ioane: “O teie râ tei papaihia, ia faaroo outou e, o Iesu te Mesia te **Tamaiti a te Atua.**”—Ioane 20:31.\*

\* Aita te Bibilia e haapii ra e e vahine mau ta te Atua tei fanau i te tamarii Na ’na. E parauhia râ Iesu “te Tamaiti a te Atua” no te mea na te Atua iho i poiete ia ’na e e mau huru maitatai to ’na mai to ’na Metua.





## Eaha te mahana fanauraa o Iesu?

---

**TA TE TAATA E PARAU RA** Te faatupu nei vetahi i te Noela i te 25 no Titema ma te mana’o e tera te mahana fanauraa o Iesu. Te na reira nei te tahi atu i te haamataraa o te ava’e Tenuare.

**TA TE BIBILIA E PARAU RA** Aita te Bibilia e faaite ra i te mahana fanauraa o Iesu. No te taima rā i fanauhia ’i o ’na, te na-ô-hia ra: “E tiai mamoe tei . . . roto i te mau aua, i te tiairaa i ta ratou mau nānā i te mau araraa i te po.” (Luka 2:8) Mea mae-roa rā ia parau e tei rapaeau tera mau tiai mamoe no te haa-pao i ta ratou nānā i te tahi po i Titema e Tenuare. No te aha?

I te fenua i fanauhia ’i Iesu, e tau toetoe roa tera na ava’e. Ia au i te Bibilia, no te reira te taata e rûrû ai i “te ûa rahi” e “e ore . . . e tia ia parahi noa i rapae.” (Ezera 10:9, 13; Ieremia 36:22) E ere ia Titema e Tenuare i te taima no “te tiairaa” i te mau nānā i rapae.

*“E tiai mamoe tei . . . roto i te mau aua, i te tiairaa i ta ratou mau nānā i te mau araraa i te po.”*

—Luka 2:8.

## Ua tia faahou mau anei Iesu mai te pohe mai?

---

**TA TE TAATA E PARAU RA** No vetahi, eita roa te taata e nehe-nehe e faatiahia mai te pohe mai. Mai tera atoa ia no Iesu.

**TA TE BIBILIA E PARAU RA** Ua faaite Iesu i ta ’na mau pīpī e e hamani-ino-hia o ’na e “e taparahi-pohe-roa-hia hoi, e e faatia-faahou-hia oia ia tae i te rui toru.” (Mataio 16:21) Tera iho â tei tupu. I muri a’e rā, te parau ra te Bibilia e ua fa oia i mua hau atu e 500 tiahapa taata. (Korinetia 1, 15:6) No tei ite ia Iesu, ua papu ia ratou e ua faatiahia oia mai te pohe mai. Aita ia ratou i mātā’u i te pohe no tera tiaturiraa!—Ohipa 7:51-60; 12:1, 2.

*“[O Iesu] ta te Atua i faatia mai te pohe maira.”*

—Ohipa 3:15.

**TE FAUFAARAA IA ITE** Ia au i te Bibilia e fana’o te huitaata i te ora i roto i te paradaiso i te fenua nei maoti te pohe e te tia-faahou-raa o Iesu. (Salamo 37:11, 29; Apokalupo 21:3, 4) Te mahuuru nei ia tatou ia Iesu e to ’na Metua, te Atua Mana hope ra o lehova. No to raua hoi here i nehenehe ai te taata e tiaturiri faahou e ora e a muri noa ’tu i roto i te paradaiso i te fenua nei ma te oaoa.—Ioane 3:16; Roma 6:23. ■



# Te peu e haponu i te poroi e hoho'a faufau na roto i te vini



## TE FIFI

Ua faaroo paha oe e e pine-pine te mau taurearea i te haponu i te poroi e hoho'a faufau na roto i te vini i teie mahana. Te feruri ra ia oe, 'te na reira atoa anei **ta 'u** tamarii?'

E hinaaro oe e tauaparau e ta oe tamarii, tera râ, e nafea? Hou a pahono ai, e hi'opoa ana'e i te tumu e na reira 'i te taurearea e no te aha e mea faufaa 'i ia haapao maitai i tera peu.\*

\* I roto i teie tumu parau, te faahitihia ra te peu e haponu i te poroi e hoho'a faufau na roto i te vini. No te ite atu â, a haere i nia te reni [jw.org](http://jw.org) e a taio i te tumu parau "Te uiui nei te mau taurearea—Te tia ia ite no nia i te peu e haponu i te poroi e hoho'a faufau na roto i te vini."—A pata i nia TE BIBILIA E OUTOU > TAUREAREA (Farani).



## TE TUMU

- E haponu vetahi taurearea i te poroi faufau i te taata ta ratou e **faahinaaro** ra.
- I te tahi taime, e haponu te hoê tamahine i te hoho'a e faaite ra ia 'na e vai tahaa noa **no te mea ua faahepohia** o 'na e te tamaroa.
- E haponu rahi paha te tahi tamaroa i te hoho'a e faaite i te hoê tamahine e vai tahaa noa **no te faaanaanatae** i to 'na mau hoa aore ra **no te tahoo**.

Noa 'tu eaha te tumu, e nehenehe te mau taurearea e fifi no te hoê noa poroi na roto i te vini. Te na ô ra te tahi buka e faaite ra i te ohipa atâta i nia Internet: "Ma te haponu noa i te hoê poroi aore ra hoho'a, e tau i roa te oraraa."

Eita te rahiraa e taa ra e mea atâta roa ia tuu i te tahi hoho'a i nia Internet. Eita hoi e nehenehe e ite e nafea vera ma e faaohipa 'i i te reira. Teie te tahi tupuraa ta te hoê pu titorotoraraa i Marite i faatia no te hoê tamahine e 18 matahiti: "Na roto i te vini, ua haponu oia i te hoê hoho'a e faaite ra ia 'na e vai tahaa noa i to 'na hoa tamaroa e ua haponu-atoa-hia i hanere tia-hapa taurearea o ta 'na fare haapiiraa. Ua na reira atoa te tahi atu mau piahi no te totoia i te tamahine. I muri a'e, ua haapohe oia ia 'na."—*Federal Bureau of Investigation*.

E faautua te ture i te feia e rave i tera peu. I te tahi mau fenua, tera atoa te tupu ia haponu te tamarii i te hoho'a faufau i te tahi atu tamarii. E tapao-atoa-hia to ratou i'oa i nia i te tapura o te feia rave ino i te pae taatiraa! Ei metua, tei nia ana'e i to oe i'oa te parau faaau no te vini aore ra ia vaiiho noa oe i te tamarii ia rave i tera peu, e nehenehe atoa oe e faautuahia.



## E NAFEA IÄ?

**A haamau i ta oe mau faatureraa.** Noa 'tu e eita e itehia te mau ohipa atoa ta te tamarii e rave i nia i te vini, **ia** papu ia 'na i ta oe mau faatureraa. A faaara atoa i te tupu ia ore oia e haapao i te reira. A haamana'o ei metua, e tiaraa to oe ia hi'opoa i te vini a ta oe tamarii taurearea.—**Aratairaa Bibilia: Ephesia 6:1.**

**A tauturu i ta oe tamarii ia feruri i te mau faahopearaa.** E nehenehe e parau atu: “Ua rau te mana'o o te taata no nia i tera peu. **No oe**, e nafea ia faataa i te reira?” “Teihea hoho'a e ere i te mea maitai ia haponono?” “I te tahi fenua, i mua i te ture, e taata rave ino te tamarii e haponono i te hoho'a e faaite ra i te tahi atu e vai tahaa noa. **No oe**, mea ino anei?” “No te

## A tauturu i ta oe tamarii ia feruri i te mau faahopearaa

aha e peu ino ia haponono i te poroi e hoho'a faufau na roto i te vini?” A faaroo maitai i ta 'na e parau e a tauturu atu ia feruri i te mau faahopearaa o tera peu.—**Aratairaa Bibilia: Hebera 5:14.**

**A faaineine ia 'na.** E nehenehe e parau i ta oe tamahine: ‘Ia faahepo te tahi tamaroa i te hoê tamahine ia haponono i te poroi e hoho'a faufau ia 'na, ia aha tera tamahine? E farii anei o 'na no te riro ei hoa no 'na? E patoi anei ma te faaite noa râ e te faahinaaro atu ra o 'na? E faaea anei i te faahoa 'tu? E faaite anei i te tahi taata paari?’ A tauturu i ta oe tamarii tamahine aore ra tamaroa ia feruri i ta 'na e rave ahani o 'na tera.—**Aratairaa Bibilia: Galatia 6:7.**

**A tauturu i te tamarii ia ite eaha te mea maitai.** A faahipa i to muri nei uiraa: ‘E mea faufaa anei te hoê roo maitai? Eaha ta oe e hinaaro ia parau vera ma no nia ia oe? Ia totoa oe i te tahi tamarii ma te haponono i te hoho'a faufau, eaha to oe mana'o no nia ia oe iho? A rave ai i te mea maitai, eaha to oe huru?’ A tauturu i ta oe tamarii ia tapea i te “aau [aore ra, mana'o haava] hapa ore.”—**Petero 1, 3:16.**

**A horoa i te hi'oraa maitai.** Te na ô ra te Bibilia e mea viivii ore e te haavare ore te paari no ô mai i te Atua. (Iakobo 3:17) Mai tera anei to oe huru? Teie tei papaihia i roto i te tahi buka e faaite ra i te ohipa atâta i nia Internet: “E mea titauhia ia horoa tatou iho i te hi'oraa maitai e ia ore e mataitai i te hoho'a e reni faufau aore ra tano ore.” ■

## IRAVA FAUFAA

“E te mau tamarii ra, e faaroo i to outou mau metua.”—**Ephesia 6:1.**

“Te taata paari . . . te feia no te mataro i ite ai to ratou aau i te maitai e te ino.”—**Hebera 5:14.**

“Ta te taata e ueue ra, o ta 'na â ia e ooti mai.”—**Galatia 6:7.**

## MANA'O TAUTURU

Ia paraparau oe no te peu e haponono i te poroi e hoho'a faufau na roto i te vini e ta oe tamarii, a tamata i te faahipa i to muri nei mana'o:

Na mua, ia faatia mai ta oe tamarii i ta te tahi atu taurearea e rave nei, a na ô atu: “Mea rahi te parau ta 'u i faaroo no nia i tera peu. Mea pinepine anei te reira?”

I muri iho, a ani i to 'na mana'o no nia i ta te tahi atu taurearea e rave nei. E nehenehe e parau atu: “No oe, te taa ra anei ia ratou i te mau faahopearaa o tera peu?”

I muri a'e, a tauaparau no nia i ta 'na e rave ia tupu noa 'tu te reira. A parau atu: “Teie nei e hi'o ana'e eaha te tia ia rave ia haponohia mai te tahi poroi faufau.”

**Mana'o:** E nehenehe e faahiti i te tahi tupuraa no te haamata i te tauaparauraa. E na ô paha oe: “Ua taio vau i tei tupu no te hoê tamahine. Ua hapononohia te hoê hoho'a e faaite ra ia 'na e vai tahaa noa i te rahiraa o te tamarii o ta 'na fare haapiiraa. Tera mau anei te ohipa e tupu ra i teie mahana?”



# E nafea ia faaroo maite?



## TE FIFI

“Aita iho â oe e faaroo ia 'u!” ta ta oe ia vahine e parau. I roto râ ia oe, te mana'o ra ia oe **“Oia hoi.”** E au ra e, mea ê roa ta oe i taa i tei parauhia 'tu. E tata ma'i ia te hopearaa.

E **nafea** râ ia ore te reira ia tupu faahou? Na mua, mea faufaa ia ite i te tumu i ore ai oe i taa i ta to hoa faaipopo i parau atu noa 'tu e no oe, te faaroo atura oe.

## TE TUMU

**Tei te vahi ê to ferurira e ua rohirohi atoa paha.** Te tutuô ra te tamarii, mea puai te afata teata e te feruri ra oe i te fifi i tupu i te ohipa. I tera taime, paraparau mai nei ta oe vahine no te mau taata e haere atu i te fare i teie po. Aita paha oe i tâu'a maitai i ta 'na i parau, tairi noa 'tu râ oe i to upoo no te faaite e te “e” atura oe! Ua faaroo mau anei râ oe i tei parauhia 'tu? Aita paha.

**E mana'o ino oe.** Te **mana'o** ra oe e e ohipa to muri mai i te mau parau atoa a ta oe vahine. Ma te na reira, te faatupu ra ia oe i te fifi. Ei hi'oraa, ia parau atu oia: “Mea rahi te hora hau ta oe i rave i teie hebedoma.” Mana'o ino a'era oe ma te na ô: “Eaha, no 'u ia te hape? O oe hoi tera e hue noa ra ta tâua moni!” Pahono mai nei ta oe vahine ma te parau: “Aita hoi vau e faahapa ra ia oe!” Ta to hoa i hinaaro e parau i te omuaraa, ia tamârû ia orua i teie hopea hebedoma, tia ra 'tu ai.

**Oioi noa oe i te imi i te ravea.** Te na ô ra Marcie\* : “I te tahi taime, ta 'u noa e hinaaro, ia faaroo mai ia Mike. E parau noa mai râ o 'na e nafea ia faaafaro i te fifi. E ere tera ta 'u e hinaaro, ia ite râ o 'na i to 'u mau mana'o. Oti atu ai!” Te fifi râ, oioi noa Mike i te imi i te ravea, aita râ i faaroo maite i ta Marcie i parau.

Noa 'tu eaha te fifi, e nafea ia faaroo maite?

\* Ua tauhia te mau i'oa.



## E NAFEA IĀ?

**A haapao maite i te parauhia 'tura.** Mea faufaa te parau ta ta oe vahine e hinaaro e faaite atu, ua **ineine** anei oe i te faaroo? Peneia'e, aita. I tera taime, te feruri ra paha oe i te tahi mea, eiaha iā e **faahua** faaroo. Ia nehe-nehe, a vaiiho i te ohipa ta oe e rave ra e a faaroo atu. Eita ana'e, a ani atu ia tiai maa taime iti.—**Aratairaa Bibilia: Iakobo 1:19.**

**Ia paraparau te tahi, a faaroo atu.** Eiaha e tãpũ i te parau aore ra e faaite e aita oe e farii ra i to 'na mana'o. E tae iho â i te taime e nehenehe oe e paraparau. I tera rã taime, a faaroo noa.—**Aratairaa Bibilia: Maseli 18:13.**

**A aniani atu.** Ma te na reira e taa roa 'i paha oe i ta to hoa faaipoipo i parau atu. Ua na ô Marcie tei faahitihia 'tu na: "Mea au roa na 'u ia aniani mai ana'e Mike. E tapao faaite iā e ua tãu'a o 'na i ta 'u i parau atu."

**A feruri i ta 'na i hinaaro e parau.** A haapao i to 'na huru, hoho'a mata e toparaa reo. Ia ani atu oe eaha to 'na huru, i te toparaa o to 'na reo, e taa ia oe e mea maitai anei **aore ra eita.** Ia na ô atu o 'na: "Aita roa oe e tauturu maira ia 'u," ta 'na i hinaaro e parau, e au ra e no 'na, aita oe e tãu'a ra ia 'na. Noa 'tu e aita o 'na i parau atu, tera rã te poroi ta 'na e hinaaro ia taa oe. No reira, eiaha iā e tatama'i no **tei parauhia,** e feruri rã i te **auraa** o tei parauhia.

**A faaroo noa.** A tãu'a i te parauhia 'tura e noa 'tu e eita oe e au ra i te reira, eiaha e taie. E nafea oe ia faahapa 'tu to hoa? Te na ô ra Gregory tei faaipoipohia hau atu e 60 matahiti: "A faaroo noa, a haapao maite i ta to hoa e parau atura. Te faaite ra iā oe e taata paari oe. O oe iho â te maitai i muri a'e."—**Aratairaa Bibilia: Maseli 18:15.**

**A tãu'a mau i to hoa faaipoipo.** Ia faaroo ana'e oe, te faaite ra iā oe i to here. Ia tãu'a mau oe i to oe hoa, e hinaaro noa iho â iā oe e faaroo i ta 'na e parau. Ma te na reira, te pee ra iā oe i teie a'oraa a te Bibilia: "Eiaha hoi te taata atoa e haapao i ta 'na ana'e ihora, e haapao atoa rã i to vetahi ê ra maitai."—**Philipi 2:4. ■**

## I RAVA FAUFAA

"Ia ru te taata atoa i te faaroo, ia haere maine i te parau."  
—**Iakobo 1:19.**

"O tei parau vave mai aitã i faaitehia 'tu, ua faaite oia e maa-maa to 'na, e au ia 'na te vaha-vaha."  
—**Maseli 18:13.**

"Te faaroo ra te tari'a o te taata paari i te ite ia noaa."  
—**Maseli 18:15.**

## IA HINAARO OE E PARAPARAU

Ia paraparau oe i to hoa e tei roto oia i te tahi atu piha aore ra te ohipa ra, e faaroo anei oia? Mea maitai a'e paha ia ani atu ia vaiiho i ta 'na ohipa aore ra ia tiai i te tahi atu taime.—**Petero 1, 3:8.**

Teie te tahi hi'oraa Bibilia: A hinaaro ai lesu e parau i te tahi mea faufaa no nia i te haehaa, aita o 'na i faaite oioi atu i to 'na mana'o. Ua tiai rã i te taime tano ia faaroo-maite-hia o 'na. Ua ani iā i ta 'na mau aposetolo ia tapiri mai e i reira noa oia i paraparau atu ai.—**Mareko 9:33-35; 12:41-44.**



# TE FAAIPOIPORAA

## E parau faaau noa anei te faaipoiporaa?

*“Ta te Atua i taati ra, eiaha te taata e faataa ê atu.”*

—Mataio 19:6.

**TA TE BIBILIA E PARAU RA** No te Atua, e ere te faaipoiporaa i te hoê noa parau faaau i rotopu i te tane e te vahine, e mea mo’a râ. Te na ô ra te Bibilia: “Area i te matamua ra, i te hamaniraa i te mau mea atoa nei, i hamani ihora te Atua i te taata i te tane hoê, e te vahine hoê. E faarue ai te tane i tana metua tane e tana metua vahine, a ati atu ai i tana vahine; e e riro hoi raua ei hoê . . . ta te Atua i taati râ, eiaha te taata e faataa ê atu.”\*—Mareko 10: 6-9; Genese 2:24.

Te mau parau “ta te Atua i taati [aore ra, tahoê],” e ere te auraa e na te Atua e faaoti o vai te tano maitai ei hoa faaipoipo no te tahi taata. Te faaite ra râ te reira e o to tatou Atua Poiete te Tumu o te faaipoiporaa. Ia au i te Bibilia, e ere te reira i te ohipa hauti. Mai te peu e no na hoa faaipoipo e mea mo’a e tamau to raua taairaa, e haafaufaahia ia te faaipoiporaa. E tutava ia raua i te vai piri noa. Ia haapao raua i ta te Bibilia e faaue ra i te tane e te vahine, e rahi atu â ia te oaoa.

\* E farii te Bibilia i te faataaraa ia faaturi hoê.—Mataio 19:9.



## Eaha ta te Bibilia e faaue ra i te tane?

**TA TE BIBILIA E PARAU RA** Ia oaoa te utuafare, e mea tia e na te hoê e rave i te faaotiraa hopea. Ia au i te Bibilia, ua ho-roahia tera hopoia i te tane. E ere râ te auraa e e nehenehe ta 'na e haavî, e faahepo e e imi i te otoheraa no te ore e amo i ta 'na hopoia. Ia na reira oia, e teimaha ta 'na vahine e eita faahou ia e faatura 'tu. Te titau ra te Atua i te tane ia rave i te ohipa no te haapao i ta 'na vahine e ia faatura ia 'na mai to 'na hoa piri e papu roa 'e. (Timoteo 1, 5:8; Petero 1, 3:7) Te na ô ra te Ephe-sia 5:28: “E aroha atoa te mau tane i ta ratou iho mau vahine e tia 'i mai ta ratou i aroha i to ratou iho tino ra. O tei aroha i tana iho vahine ua aroha ia ia 'na iho.”

*“O te tane hoi to te vahine ra upoo.”—Ephesia 5:23.*

Ma te here, e farii te tane e mea maramarama e aravihi atoa ta 'na vahine. Mai te peu e e ravehia te tahi faaotiraa i taahia i to raua utuafare, ma te faatura, e tâu'a te tane i to 'na mana'o. Eita tera tane e titau ia haapao-noa-hia to 'na hinaaro no te mea o 'na te upoo o te utuafare. A ore ai Aberahama i faaroo i te a'o tano a ta 'na vahine, ua na ô atu Iehova: “E faaroo oe i te reo o Sara.” (Genese 21:9-12) Ma te haehaa, ua farii to te Atua tavini taiva ore ra o Aberahama i te reira. Ua haamaitai atu ia te Atua, ua tahoê e ua vai hau noa to 'na utuafare.

## Eaha ta te Bibilia e faaue ra i te vahine?

**TA TE BIBILIA E PARAU RA** Hou a poiete ai i te hoê vahine no te tane matamua, ua na ô te Atua: “E ere ia i te mea maitai ia para-hi noa Adamu oia ana'e ra; e hamani au i te tahi **tauturu au** na 'na.” (Genese 2:18) Ia haa amui ia te tane e te vahine e tia 'i. I muri iho, ua hamani te Atua i te vahine eiaha no te haru i te tia-raa o te tane aore ra no te tatau e o 'na, no te tauturu atu râ. Ma te ohipa amui, e nehenehe raua e fanau e e faaî i te fenua i ta raua mau tamarii mai ta te Atua i faaue atu.—Genese 1:28.

*“E te mau vahine, e auraro maite i ta outou mau tane.”—Petero 1, 3:1.*

Ia nehenehe te vahine e amo i ta 'na hopoia, ua horoa 'tu te Atua i te tino, feruriraa faahiahia e huru maitatai. Ia faaohipa oia i te reira ma te paari e te here, e oaoa raua e e tiaturi papu atu ia ta 'na tane. No te Atua, e mea tia ia haamaitai i taua vahi-ne ra.\*—Maseli 31:28, 31. ■

\* E au roa te feia faaipoipo i te mau mana'o tauturu no nia i te faaipoiporaa e oraraa utua-fare i roto te mau tumu parau “Tauturu no te utuafare” o te *A ara mai na!*



## E aau “fana’o rahi” anei to oe?

*“E mahana ino ana’e to te taata ma’i ra; area tei rearea te aau ra e fana’o rahi to ’na.”  
—Maseli 15:15.*

**E**AHA te auaa o teie faahitiraa? Te parauhia ra no te feruriraa e te huru aau o te tahi taata. “Te taata ma’i” aore ra hepohepo, e haapeapea noa oia. No te reira e mahana “ino” ai to ’na. Mea taa ê no tei “rearea te aau,” e feruri noa hoi oia i te mau mea maitatai. Ma te na reira, e aau “fana’o rahi to ’na,” e ite hoi oia i te oaoa mau, mai te huru ra e e tamaaraa noa ta ’na.

E iti mai paha te oaoa no te mau fifi, a hi’o na râ i ta te Bibilia e faaitoito maira ia rave.

- Eiaha e vaiiho i te hepohepo o ananahi e haapeapea ia oe i teie mahana. Ua na ô Iesu: “E teie nei, eiaha e tapitapi i to ananahi ra, na ananahi hoi e tapitapi i ta ’na iho. O te mahana o to ’na iho ino atire ia.”—Mataio 6:34.

- A feruri noa i te mau mea maitatai i tupu. Ia hepohepo oe, no te aha e ore ai e papai i te mau mea maitatai i tupu a feruriruri atu ai i te reira? Eiaha atoa e mana’o noa i te mau hape tahito aore ra ohipa ino i ravehia. A huti mai i te haapiiraa e a haere â i mua. Ia riro oe mai te taata faahoro pereoo o te faaohipa i te hi’o iti no te hoê taime poto noa. Eita râ oia e hi’o noa i te reira a faahoro noa ’i i te pereoo. A haamana’o atoa e “tei ia [te Atua] ra te faaore i te hara.”—Salamo 130:4.

- Ia hepohepo oe, a faaite i to mau mana’o i te hoê taata o te faaitoito atu. Ia au i te Maseli 12:25, no te ’oto te aau o te taata e pi’o ai i raro; hoê roa râ **parau maitai** ra, oaoa a’era ia.’ O te fetii aore ra hoa papu paha te hopoi atu i te “parau maitai.” E ere ia o ’na i te taata e te feruriraa ino e “aroha mai [r]â . . . i te mau mahana atoa.”—Maseli 17:17.

Maoti te mau parau paari i roto i te Bibilia, ua nehenehe e rave rahi e oaoa ’tu â noa ’tu te mau fifi. Ia tauturu-atua-hia oe i tera mau parau faufaa e tia ’i. ■



Mea tamoni ore ia rave mai i teie vea e tei matara ê na



Bibilia na roto fatata e 50 reo

A hi’o i nia [www.jw.org/ty](http://www.jw.org/ty), aore ra a faaohipa i teie hoho’a



914 01-TH  
131004